

SÄÄMI TAAIDÂ JÁ TYEJEH SEHE IKONEH JÁ KIRKKOTEKSTIILEH SÄÄMI KIRKKOPEEIVIJN 12. – 14.6.2009 ANARIST

Säämi kirkkopeivij ohjelmân Anarist kulá kirholáš tilálášvuodái já konsertij lasseen meiddei ollátásásáš taaidâ- já tyejičáitálmâs, moos láá puávdejum säämi taaidâreh já tuájáreh Ruotâst, Taažâst já Suomâst. Ruotâ Suppârist uásálist *Britta Marakatt-Labba*, kiäst láá uáinimist taavluh já kirkkotekstiileh. *Rannveig Persen* Táázâ Kárášjuuvâst oovdânpuáhtá čuovâkuuvijđ já digitaalláš kollaasijđ. Aanaarláš mättim ovdâsteh *Aune Kuuva*, *Merja Aletta Ranttila* já *Pekka Hermanni Kyrö*. Aune Kuuva ráhtám mainâsnukeh fiäránisteh luándust, nukkeid lii kuvvim čuovâkovvejeijee Martti Rikonen. Merja Aletta Ranttila uđđâ kuuvijñ uáinip engâlijđ. Pekka Hermanni Kyrö maalâtaavluin lii jo uápisin šoddâm meccienâdâhrealismâ muotâtuoddârijdiskuin. Učjuuvláš *Outi Pieski* stuorrâ, siilkán máálájum kuuvijñ lii ennuu čuovâ já säämi tyeje tobdo.

Učjuuvâ servikodde lii luoihättám Aanaar čáitálmâs várás *Päivi Ruottis* kuárrum kirkkotekstiilijđ, maid lii vuávám Arkkitehttoimâttâh Matti Porkka ky. Kirkkotekstiilijđ ovdâsteh meiddei Laapi ortodoksâláš servikode immeelpalvâluspihtâseh. Ko paapah toimâtteh immeelpalvâlusáid, rukkoospuudâid, mysteerioid tâi eres toimâttâsáid, te sii kevttih sierânâs immeelpalvâluspihtâsijđ. Vuáhádâh vuáđuduvá Immeel proofeet Mooses adelem ravvuud kuáruttiđ pappáid sierânâs pihtâsijđ pase palvâlusái toimâtteh várás. (2. Moos.28). Lasseen ulmuuh peessih uápásmuđ jieškote-uvlágán ortodoksâláš immeelpalvâlusâst kevttum sakraaltingáid.

Engâlij stuorrâ satâšem šadda käävci engâlarttâsáš ikonist, maid lii máálám vihantiláš *Elli Tiittanen Veikko Tiittas* tuoijum vuáđoid. Tiittas parâkode skenkkim ikoneh hengâstuvvojehe Njellim ortodoksâkirho sistoornân. Čuovâkovvejeijee *Topi Ikäläis* čuovâkovečáitálmâs Tavetemppeleh muštâl pispekode historjást já taan peeivist, nuortâ ortodoksâláš kirho riges ärbivyevist pispekode kuávlust.

Sámi Duodji ry puáhtá čáitálmâsân aktiivláš tyejijuávhu, kiäh adeleh tyejičáittusijđ. Suomâ sämmilij ohtsáš tyejiservi Sápmelaš Duodjârat ry vuáđudui ive 1975, tááláá seervi nommâ lii Sámi Duodji ry. Seervist láá toimâsajeh Anarist já Iänuduv Hettaast, main láá sehe čáitálmâsâin já vyebdimnáálá peri puigâ sämityejeh. Lasseen tain puáhtá uástiđ säämi kirjálášvuodâ já muusik.

Čáitálmâs leehâst Sämitige saavâjodetteijee Klemetti Näkkäljärvi, já pispe Samuel Salmi sivned čáitálmâs. Lekkâmtilálášvuotâ uárnejuvvoo Aanaar markkân vyeliškoovlâst tuorâstuv 11.6. tme. 19.00 puávdejum kuossijđ, mut ulmuuh láá pyereestpuáttám uápásmuđ čáitálmâsân nuuvtá vâstup-peeivi já lávurduv tme 10.00 - 20.00 sehe pasepeeivi tme 10.00 - 18.00. Čáitálmâs pištâ tuše kulmâ peeivi, et kannat toommâđ Anarân kirkkopeivij ääigi 12. – 14.6., jis haalijđ uápásmuđ táid tuoijijđ. Lasetiäđuid addel Anni Näkkäljärvi, Sämitige škovlim- já oppâmateriaaltoimâttâh, puh. 010-839 3117.